

Հաստատված է  
«Հայաստանի պետական տնտեսագիտական  
համալսարան» պետական ոչ առևտրային  
կազմակերպության գիտական խորհրդի  
2022 թվականի մայիսի 27-ի N 12 - 1 որոշմամբ,  
գիտական խորհրդի նախագահ, ռեկտոր



Դ. Ռ. Գալոյան

27 մայիսի 2022 թ.

#### ԿԱՆՈՆԱԿԱՐԳ

#### ՀԱՅԱՍՏԱՆԻ ՊԵՏԱԿԱՆ ԵՆՏԵՍԱԳԻՏԱԿԱՆ ՀԱՄԱԼՍԱՐԱՆԻ ՊԱՏՎԱՎՈՐ ԿՈՉՈՒՄՆԵՐԻ ՇՆՈՐՀՄԱՆ

1. Սույն կանոնակարգով սահմանվում են Հայաստանի պետական տնտեսագիտական համալսարանի (այսուհետ՝ ՀՊՏՀ) պատվավոր կոչումների շնորհման կարգն ու պայմանները:

2. ՀՊՏՀ պատվավոր կոչումը շնորհվում է ֆակուլտետի գիտական խորհրդի ներկայացմամբ՝ ՀՊՏՀ գիտական խորհրդի որոշմամբ:

3. ՀՊՏՀ-ում սահմանվում են «ՀՊՏՀ պատվավոր պրոֆեսոր», «ՀՊՏՀ պատվավոր դոկտոր» և «ՀՊՏՀ ամբիոնի պատվավոր վարիչ» կոչումները, որոնք շնորհվում են սույն կանոնակարգով սահմանված պահանջները բավարարող անձանց:

4. «ՀՊՏՀ պատվավոր պրոֆեսոր» կոչումը շնորհվում է՝

1) օտարերկրյա պետությունների գիտակրթական կենտրոնների պրոֆեսորներին՝ ՀՊՏՀ-ի հետ տևական և արդյունավետ համագործակցության համար,

2) ՀՊՏՀ-ում առնվազն 30 տարվա գիտամանկավարժական ստաժ ունեցող, առնվազն 5 գիտությունների թեկնածու ղեկավարած աշխատողներին՝ աշխատանքային պարտականություններից կամ աշխատանքից ազատվելու դեպքում:

5. «ՀՊՏՀ պատվավոր դոկտոր» կոչումը տրվում է՝

1) պետական, քաղաքական, հասարակական գործիչներին, հռչակավոր գիտնականներին և մշակութային գործիչներին (այդ թվում՝ օտարերկրացի),

2) օտարերկրյա պետությունների գիտակրթական կենտրոնների գիտնականներին՝ ՀՊՏՀ-ի հետ տևական և արդյունավետ համագործակցության համար:

6. «ՀՊՏՀ ամբիոնի պատվավոր վարիչ» կոչումը շնորհվում է ՀՊՏՀ այն աշխատակցին, ով ունի առնվազն 30 տարվա գիտամանկավարժական աշխատանքի ստաժ և ամբիոնի վարիչի պաշտոնում աշխատել է առնվազն 10 տարի, տվյալ գիտակրթական ուղղության շրջանակներում մասնագիտական հեղինակություն է վայելում, ինչպես նաև բավարարում է հետևյալ պայմաններից որևէ մեկին՝

1) մասնագիտական աշխատանքի համար արժանացել է ՀՀ կամ օտարերկրյա պետությունների պետական պարգևների,

2) հրատարակել է առնվազն 150 մամուլ ուսումնական և մասնագիտական գիտական աշխատանք,

3) եղել է ամբիոնի մասնագիտական ուղղվածությանը համապատասխան առնվազն 10 գիտությունների թեկնածուի գիտական ղեկավար կամ 3 գիտությունների դոկտորի խորհրդատու:

7. «ՀՊՏՀ ամբիոնի պատվավոր վարիչ» կոչումը շնորհվում է ՀՊՏՀ այն աշխատակցին, ով ամբիոնում կատարում է իր գիտական աստիճանին և գիտական կոչմանը համապատասխան գիտակրթական գործունեություն:



8. Ամբիոնի պատվավոր վարիչը կարող է ամբիոնում կատարել խորհրդատուի գործառույթներ՝ ամբիոնի գիտակրթական, մեթոդական, դաստիարակչական և այլ հարցերով:

9. ՀՊՏՀ պատվավոր կոչումների շնորհման մասին որոշումն ընդունվում է ՀՊՏՀ գիտական խորհրդի նիստում, բաց քվեարկությամբ, նիստին մասնակցող խորհրդի անդամների ձայների պարզ մեծամասնությամբ:

10. ՀՊՏՀ պատվավոր կոչումներ ստացած անձանց հաշվառումն իրականացնում է ՀՊՏՀ գիտական քարտուղարը: